

中國歷史的發展與演變 2 課程講義



【98年4月28日擬】

【風華盛世（一）---從唐太宗到武則天】

一、隋末大亂，最後削平群雄，統有天下者，何以是李唐？

1、李世民是一位怎樣的人物？

劉文靜見李世民而異之，深自結納，謂裴寂曰：「此非常人，豁達類漢高，神武同魏祖，年雖少，命世才也。」(617)

李密自恃智略功名，見上猶有傲色，及見世民，不覺驚服，(胡注：此豈獨相表服之哉？威靈氣燄足以服之也。)私謂殷開山曰：「真英主也，不如是，何以定禍亂乎！」(618)

2、李世民如何建立統一天下之大功？

王世充每聽朝，殷勤誨諭，言詞重複，千端萬緒，侍衛之人不勝倦弊，百司奏事，疲於聽受。御史大夫蘇良諫曰：「陛下語太多而無要領，計云爾即可，何煩許辭也！」世充默然良久，亦不罪良，然性如是，終不能改也。(619)

先是，(竇)建德遺秦王世民書，請退軍潼關，返鄭侵地，復修前好。世民集諸將議之，皆請避其鋒，郭孝恪曰：「世充窮蹙，垂將面縛，建德遠來助之，此天意欲兩亡之也。宜據武牢之險以拒之，伺間而動，破之必矣！」記室薛收曰：「世充保據東都，府庫充實，所將之兵，皆江淮精銳，即日之患，但乏糧食耳。以是之故，為我所持，求戰不得，守則難久。建德親帥大眾，遠來赴援，亦當極其精銳。縱之至此，兩寇合從，轉河北之粟以饋洛陽，則戰爭方始，偃兵無日，混一之期，殊未有涯也。今宜分兵守洛陽，深溝高壘，世充出兵，慎勿與戰，大王親帥驍銳，先據成皋，厲兵訓士，以待其至，以逸待勞，決可克也。建德既破，世充自下，不過二旬，兩主就縛矣！」世民善之。收，道衡之子也。(胡注：薛道衡為隋煬帝所殺。隋之伐陳，道衡知其必克。收之識時審勢，蓋有父風。)(621)

李世民自起兵以來，前後數十戰，常身先士卒，輕騎深入，雖屢危殆而未嘗為矢刃所傷。(胡注：史言秦王有天命。)(622)

二、李世民弑兄殺弟，李淵讓位，我們應該怎樣理解？

- 1、李世民是太原起義的主事者嗎？
- 2、太子建成是一位怎樣的人物？
- 3、「玄武門事件」應作怎樣的解釋？

三、「貞觀之治」是歷史美談，實情呢？

- 1、治世的出現，有那些制度上的因素？
- 2、唐太宗與魏徵之間，是一種怎樣的關係？

初，洗馬魏徵常勸太子建成早除秦王，及建成敗，世民召徵謂曰：「汝何為離間我兄弟！」眾為之危懼，徵舉止自若，對曰：「先太子早從徵言，必無今日之禍。」世民素重其才，改容禮之，引為詹事主簿。亦召王珪、韋挺於雋州，皆以為諫議大夫。(626)

魏徵狀貌不愈中人，而有膽略，善回人主意，每犯顏苦諫；或逢上怒甚，徵神色不移，上亦為霽威。嘗謁告上冢，還，言於上曰：「人言陛下欲幸南山，外皆嚴裝已畢，而竟不行，何也？」上笑曰：「初實有此心，畏卿嗔，故中輟耳。」上嘗得佳鷄，自臂之，望見徵來，匿懷中；徵奏事久不已，鷄竟死懷中。(628)

上念后不已，於苑中作層觀以望昭陵，嘗引魏徵同登，使視之。徵熟視之曰：「臣昏眊，不能見。」上指示之，徵曰：「臣以為陛下望獻陵，若昭陵，則臣固見之矣。」上泣，為之毀觀。(貞觀十年，636)

- 3、唐太宗的態度，何以有前後之異？

上神采英異，群臣進見者，皆失舉措；上知之，每見人奏事，必假辭色，冀聞規諫。(貞觀元年，627)

帝與侍臣論安危之本。中書令溫彥博曰：「伏願陛下常如貞觀初，則善矣。」帝曰：「朕比來為政乎？」魏徵曰：「貞觀之初，陛下志在節儉，求諫不倦。比來營繕微多，諫者頗有忤旨，此其所以異耳！」帝拊掌大笑曰：「誠有是事。」(貞觀六年，632)

上謂侍臣曰：「自古帝王雖平定中夏，不能服戎、狄。朕才不逮古人而成功過之，自不諭其故，諸公各率意以實言之。」(貞觀二十一年，647年)

- 4、太宗立晉王治為太子，心中感受如何？

承乾既廢，上御兩儀殿，群臣俱出，獨留長孫無忌、房玄齡、李世勣、褚遂良，謂曰：「我三子一弟，所為如是，我心誠無聊賴！」因自投于床，無忌等爭前扶抱；上又抽佩刀欲自刺，遂良奪刀以授晉王治。無忌等請上所欲，上曰：「我欲立晉王。」無忌曰：「謹奉詔；有異議表，臣請斬之！」上謂治曰：「汝舅許汝矣，宜拜謝。」治因拜之。上謂無忌等曰：「公等已同我意，未知外議何如？」對曰：「晉王仁孝，天下屬心久矣，乞陛下試召百官，有不同者，臣負陛下萬死。」……

眾皆謹呼曰：「晉王仁孝，當為嗣。」上悅。（貞觀十七年，643）

四、一代女皇武則天其人其政如何？

1、武氏如何取得政權？面對何種困難？她如何克服？

上之為太子也，入侍太宗見才人武氏而悅之。太宗崩，武氏隨眾感業寺為尼。忌日，上詣寺行香，見之，武氏泣，上亦泣。王后聞之，陰令武氏長髮，勸上後宮，欲以間蕭淑妃之寵。武氏巧慧，多權術，初入宮，卑辭屈體以事；后愛之，數稱其美於上，未幾大幸，拜為昭儀，后及淑妃寵皆衰，更相與共譖之，上皆不納。（654）

他日，李勣入見，上問之：「朕欲立武昭儀為后，良固執以為不可。遂良既顧命大臣，事當且已乎？」對曰：「此陛下家事，何必更問外人！」上意遂決。許敬宗言於朝曰：「田舍翁多收十斛麥，尚欲易婦，況天子欲立后，何豫諸人事，而妄生議乎！」（高宗永徽六年，655）

上每視事，后則垂簾於後，政無大小，皆與聞之。天下大權，悉歸中宮，黜陟、殺生，決於其口，天子拱手而已。天下謂之二聖。（高宗麟德元年，664）
指定閱讀：〈名家論述精選之十四：陳寅恪〉